

ATA MAS PA BO SA MAS...

Fotos/texto: Jan Poets

DEN AMBIENTE



**** Maestro Rufo Odor cu dos tremendo concierto di Coral..**

**** Heepppppaaaaa...con cos ta bisa, sperando cu tur cos ta "zoet zoet". Den e dianan aki realmente cosnan ta super zoet ya cu for di diahuebs tin 30 MIYON DORI ta sapatiando riba nos isla. "By the way"! ni sikiera un di nan no a bula drenta den bo cura???**

**** Ayeranochi den Cas di Cultura e incansable maestra di baile DIANA ANTONETT a inicia cu su celebracion di su 30 aña den e mundo di baile y ballet. Net prome cu ciere di e edicion aki, por a compronde cu e prome anochi tabata hopi bon bishita y e show tabata tremendo. Tur cos ta muestra cu tanto awenochi y mayan atardi pa 4'or, Cas di Cultura lo ta un yeno completo. DEN AMBIENTE ta felicita Diana Antonette pa su 30 aña exitoso den e mundo di baile y ballet y**

ta desee hopi forza pa e por sigui hopi aña mas brindando su aporte valioso na bienestar di nos baile folklor..

**** Siman pasa despues di dos aña, e respetable scol di baile "SIMADANZA" bao direccion di e incansable maestra di baile ASTRID SALAZAR, a brinda e pueblo di Aruba un fabuloso show den Cas di Cultura titula "UN SIMAN CU SIMADANZA". E show di baile aki ta enfoca e bida diario di Aruba su custumbenan manera e.o. diadomingo ta bay Misa, beach, dialuna ta lesa corant (DIARO), laba paña y asina e dianan ta sigui di e custumbenan treci den un forma unico bailable. Durante e show aki hopi enfasis ta ser poni pa tene Aruba LIMPI y tambe un mensahe pa yuda e chollernan. Entotal ta participando den e grandioso show aki 170 bailarina. E coreografia ta bao direccion di Astrid Salazar, Ina Profeet y tambe Arlene Newhouse procedente for di San Francisco, California. Ta trata aki di 2 hora di show y ambos presentacionnan cu ya a ser presenta siman pasa a resulta den un exito rotundo. E ultimo show lo ta dialuna awor dia 29 pa 8'or di anochi den Cas di Cultura.**

**** Mayan anochi pa 8:30 na Club Suriname den cuadro di e celebracion di independencia di Suriname, lo tin un concierto Coral bao direccion di maestro Rufo Odor acompaña pa e pianista Hilda Wijnaard, den**

cual lo participa e coronan "Vocal Ensemble Sranang", "Vivons En Chantant", "Canta Aruba" y "Le Jolies Voix". Entrada lo ta solamente 10 florin.

**** Tambe otro siman diasabra dia 4 di Juli pa 8:30 di anochi, na Cas di Cultura lo tin un concierto popular den cua lo participa "Coro Ars Nova" bao direccion di directora Mayra Kock Garrido. Tambe lo tin presentacion di e grupo "Patriachs. Despues di intermedio e tres coronan "Canta Aruba", "Vivons En Chantant" y "Vocal Ensemble Sranang" lo presenta conhuntamente e show musical "Broadway". Den e show musical aki ta ser canta tur e cancionnan cu a bira popular na Broadway". E tremendo show aki lo ser presenta bao direccion di maestro Rufo Odor acompaña pa e pianista Hilda Wijnaard, riba bass Roy Olive mientras Erik Rafaela lo ta riba drum. Maestro Rufo Odor ta encarga cu e dos eventonan aki y si ta maestro Rufo Odor ta esun encarga, anto sin duda bo por conta riba un show di halto nivel y caliber!.**



**** Esaki ta un parti di e tremendo show di Diana Antonette cu tanto awe y mayan lo ser presenta den Cas di Cultura, celebrando su 30 aña den e mundo di baile y ballet..**

**** Otro siman lo bay ta un fin di siman super ambientoso aki na Aruba. Diabierna anochi lo bay tin e festival di Heinekens cu presentacion di "Hermanos Rosarios" for di Republica Dominicana. Diasabra anochi den City One lo bay tin "back to sixties" cu The Strangers y Aftermath cual lo ser dedica na nos maestro colega Yubi Naar, mientras cu den Club di DOSVA lo bay tin un fiesta cu Dimension Latina for di**

CIANTENAN y pueblo di Aruba cu e wegá peligroso aki cu ta draai riba nos orguyoso number di ARUBA bao di capa pa ENRIKES un grupto MATERIALISTA y MALAGRADICIDO..

**** E aña aki Little Miss Universe ta bay cumpli cu nan 10 aña di existencia. Dia 20 di september proximo lo bay tin e eleccion di Trahe Nacional y dia 27 di september e certamen final lo bay tuma lugar den Allegro Ballroom di Americana Hotel & Casino. Ya cabá tin 18 barbiénan precioso inscribi kendenan ta: Zulayma Suzebeek - Colombia; Josenny Marin - Puerto Rico; Inais Chayoung - España; Yanaika Werleman - Aruba; Rijnoune Tromp - Panama; Sharissa Jacobs - China; Samantha Solognier - Francia; Zamira Paesch - Portugal; Gerina Villagra - Chile; Michelaine Henriquez - Mexico; Milaynie Kellie - Argentina; Quinsley de Cuba - Hulanda; Edilienne Stenebome - Zwitserland; Laura Gurrieri - Brazil; Lourdes Tromp - India; Chiarella Montalvo - Peru; Gaiza Nayaran - Venezuela.**

**** E Copa de la vida di Francia 98 tin mundo completamente den su gara. Mexico y Chili a festeha nan clasificacion pa e siguiente vuelta, mientras cu Colombia ta den luto despues di a perde contra Inglaterra. Awor e cosnan ta bay bira mas hot, pasobra esun cu perde ta AFOOO...y awe e fanaticonan di BRASIL lo ta super nervioso contra Chile. E bala a bira mas rondo awor y si Brasil no hinca goal..Chile si ta bora e net manda Brasil bay baila samba...**



**** Maestra Astrid Salazar preparando su alumnonan di Simadanza pa su ultimo show "Un Siman cu Simadanza" dialuna awor den Cas di Cultura..**

**** Dia 1 di augustus proximo "Produccion Flambe" lo explota di harimento ora cu e cantantenan di BAÑO topa otro riba escenario cual lo ta completamente decora mescos cu ta den BAÑO nan ta. E meta di "Produccion Flambe" ta pa descubri y promove nos talentonan. Tur esnan cu ta interesa pa participa mester yama mas pronto cu ta posibel na tel:852954 of 874723 despues di 1'or di merdia. Lo bay tin premionan sumamente atractivo pa e 5 finalistanan y tambe varios doorprize. Esaki lo ta e prome "Festival di Cantantenan di Baño" cual lo bay tuma lugar den Club DOSVA..**

Venezuela y Vicente y Los Pimentosos.

**** Otro siman Aruba lo bay sera conoci cu su Miss Universe Aruba 1998/99, kende lo bay tin cu representa nos pais durante e certamen di Miss Universe 1999. Ta duro pa bisa, pero mester bisa e berdad cu e certamen aki ta esun MAS RIDICULO DEN HISTORIA DI ARUBA. Ta un berguensa pa e proximo Miss Universe bay declara den entrevista na e periodistanan internacional, cu e la competi cu solamente tres candidata y cu e certamen a tuma lugar den cas di e propio organizador..OJO COMER-**



**** Mester duna palabranan di elogio pa e muchanan aki di Bubali cu a sa di duna un magnifico presentacion di e baile di San Juan. Nan a presenta tanto den Club di Bubali y na Centro di Bario Noord durante e activadnan di Dera Gai, na unda nan a sa di cosecha hopi aplauso...**